

寶女所問經卷第一

終

西晉月支三藏法師譯

問慧品第一

聞如是一時佛遊於如來寶淨高座
則為如來之所建立積無極德已為
莊嚴所遊道場佛慧報應顯除所行
外菩薩宮講无量頌如來所歎顯立
威變聖導無尋普有所入志存微妙
誘進權行等過去慧於當來劫弘大
究竟其德無量順平等覺善轉法輪
无限之首諦分別慧於一切法而得
自在悲觀衆生心之諸根度于彼岸
曉了方便斷除諸著邪業之行為造
佛事莫不為信化令寂定與大比丘
俱六百萬其心調和消除罣累塵勞
之欲乃為如來法王之子修深妙法
興發道化無有顛倒威儀顯曜成就
聖路為大衆祐如來安詳獲善究竟
復與菩薩大聖衆俱无量無限不可
思惟浩浩大會行无所拘諸菩薩等
斯須之間尋能超越無量佛國便設
權宜供養奉事十方如來有所諮啓

聽受經典不以厭倦而常精勤勤化
衆生智慧善權以用超殊至于彼岸
得度無極而以建立元号脫門便得
超越一切衆想望報羅網近一切智
諸通之慧

其名曰明天菩薩還遊步菩薩擇戰
闢菩薩照明威菩薩獨憐意菩薩踊
步菩薩眼觀菩薩雷音菩薩離冥菩
薩如是等類諸菩薩衆不可限量無
邊無際不可引喻

尔時世尊歎詠菩薩所生道場其法
名曰元陰蓋辟一切菩薩徑路清淨
諸佛之法力無所畏具足究竟聖慧
之事於諸法典而得自由持持之門
所入法印敢可遭遇次衆法門聖通
无極超入於慧不退轉輪說不迴還
諸乘平等所導無二遊元所壞一品
法界而分別說衆生心根所入之慧
獨步堅强决了諸法滅除一切諸魔
之場已度衆患隨應順法律化衆塵
諸邪之見入無限慧方便勸助行无
邊際咨嗟權慧十方諸佛所共宣暢
達無希望行无罣累無處之門分流

與隆一切諸法决了如應而等普入
有想無想體解聖達遊于深妙緣起
之事顯明道業无極德慧佛身口意
而以莊嚴於此三事心行所歸智慧
無盡越諸聖諦壞聲聞乘身心澹泊
開演明喆教化緣覺致諸通慧導利
大乘入于道品於一切法而得信忍
宣揚如來所因興德講說分別誦讀
宣現智慧教授開示流布靡不周遍
尔時世尊講說於斯善慧法典宣弘
普誦時衆會中有一女人名曰寶女
即從坐起右手執持妙珠璎珞白世
尊曰唯然大聖如我所言至誠不虛設
此衆會佛所說法大士所讚吾能具
足持斯經典普於十方流布弘廣勸
無量人於此法寶建立无上正真之
道如是所誓不改易者如來威神使
斯寶珠顯示聖旨於時世尊因衆現
變令諸菩薩皆於其上化成棚閣珠
交露帳斯諸正士然後來世成正覺
時如其佛土微妙嚴淨佛道場樹當
使於今現此瑞應衆寶棚閣珠交露
帳令斯會者觀其嚴淨悲皆悅豫於

寶藏經卷第一 第五品 妙莊嚴菩薩摩訶薩

時寶女前詣佛所則散珠璣散珠璣已佛之威神寶女之德普願至誠在於佛上及諸菩薩上虛空中化成稠闍珠交靈帳壁方印廣若干種變奇特殊妙周匝平等莊嚴校飾分布安康正無傾斜時諸菩薩各心念言如我等身本往古時志所普願當令吾等佛土嚴淨道場覺樹亦復如是斯諸菩薩如心所念各各自見交靈稠闍適觀此已恠未曾有前白佛言甚為難及天中之天其實女者所建立力能為我等顯現瑞應无央數劫所發志願今此寶女一心念頃悉令現矣世尊告曰如是正士如汝所言寶女發意如志所建行道以來於六十二百千億娑諸佛之所殖眾德本乃致若茲至誠所建真實普願以是之故今斯寶女如其所誓被德之鎧尋使成立諸正士等又寶女者設欲志願於斯三千大千世界普雨天華悉令同滿則如所言輒雨名香擣香澤香雜香衣服膳饌設復欲令幢蓋繒幡自然莊飾周遍虛空尋如意成若

寶藏經卷第一 第五品 妙莊嚴菩薩摩訶薩

復欲令天地水火自然興者若復火災則如所言便有水災自然火災設復欲令水災火災竭除還復如其所言悉能致之設欲令此一切眾會悉自然變形體被服如轉輪王悉能成為四天王形體被服天帝形像梵天顏貌大神妙姿容之像比丘比丘尼清信士清信女色像顏貌則如所言悉能成之正使欲令變現化億百千魔一一魔者手各執持百種刀杖令此眾魔堅住不動不設刀杖悉使化成若干品種諸珠璣瑤瑤眾華思夷之華皆輒如言若復欲令玄絕曠野自然變有飲食衣被為大城郭十八億家遊居其中如其所言皆能致之三千世界所有形像欲令顏貌皆成如來尋轉如志若復欲令一切眾會處在虛空悉當如言諸族姓子斯寶女身欲令無量无限無有邊際佛之境界諸佛世尊所說經典於虛空中皆為通達具足眾備普聞音聲如佛所言無有缺減十方佛聲亦女所說但能宣暢於是寶女立願之

寶藏經卷第一 第五品 妙莊嚴菩薩摩訶薩

力神足變化普示現之如此色像則於佛前說是頌曰
以寶為葉 執妙聖珠 演說豪華
無量道德 則以調除 塵欲瞋結
乃布息施 七覺之寶 以寶光明
照眾窮冥 若千品類 明月珠曜
尊上琦珍 寶英寂勝 今以瓊珠
恭奉安住 假使瑤瑤 首戴明珠
焰光之珠 无垢嚴珠 日月之明
所出光暉 蒙尊所照 而悉覆蔽
觀能仁身 無能限量 所荷之祐
致獲十力 住立斯土 極至上界
觀察聖體 轉顯加倍 一切眾會
各各見佛 悲自念言 尊在我前
皆從方面 悲見佛顏 然金縱容
無比之貌 正使坐時 卧寐經行
若復現在 慶眾會中 言辭若嘿
樂立禪定 威儀无比 聖智無限
一一毛孔 所演光暉 則能普照
一切十方 身如蓮花 寂勝圓滿
猶如志性 令意寂然 常立誠諦
所云真實 如口所言 尊行相應
曉了分別 諸法之誼 稽首道備

得度彼岸

今時寶女以此頌偈讚佛德已白世尊曰我身今欲咨問如來於斯經典章品之句志所趣向設見聽者乃當自陳佛告女曰恣所欲問吾當為汝分別說之令心悅豫於時寶女見佛聽之歡喜踊躍白世尊曰何謂菩薩常懷至誠云何如來為諸菩薩說真實辭何謂菩薩而應順法云何如來為諸菩薩講說經典何謂菩薩尋應威儀云何如來為諸菩薩而說誼趣何謂菩薩奉順律教云何如來為諸菩薩講決律事

佛言善哉善哉寶女所問欲暢仁賢真要辯才諦聽諦聽善思念之唯然世尊願樂欲聞於時寶女受教而聽佛告寶女菩薩有三法常懷至誠何謂為三未曾欺佛不自欺身亦不欺誑一切眾生何謂菩薩欺於諸佛而欺已身及與眾生假使菩薩與發无上正真道意志慕聲聞緣覺之地而普求願意甘樂之是為菩薩欺佛已身及與眾生何謂菩薩不欺諸佛已

身眾生假使菩薩發大道意設令勤苦遭眾惱患為諸眾魔所見嫉誑為諸外道所見逼迫毀辱誹謗而戲弄之百種罵詈撻撻危害虛妄之事而以加已志性寂然不起怨結不懷怯弱不成迷誤不忍不畏不以憂戚不以為恨續秉一志志性堅強平等之行不捨道意但執惠心珍寶之心常懷道心一切世間尊尊第一又復發心為諸眾生救護歸令令得超度所與之心而無等倫无以為喻不退不捨不在餘乘常立一志樂於佛道導御法輪令諸群萌悉得面見現於諸力興顯如是行步舉動遵脩精進終不破壞他人言教是為菩薩不欺諸佛不自欺身亦不侵欺一切眾生假使菩薩不欺諸佛不自欺已不誑眾生是為菩薩第一至誠彼以四事不欺諸佛順于堅固而應威施所為力強精進懇懇復以四事不自欺身志性仁和質直其心無有諛諂亦无虛誑彼以四事不欺眾生方便應病慈心愍哀加以四思是為菩薩第一至

誠不捨道心而不違失往古之願佛復告寶女曰菩薩至誠謂口寂然護於言語所說無缺口辭真諦在於獨處若大眾中言常至誠不以國故而兩舌也不以珍寶具足貨業而欺虛言不以父母親族貪財惜費而兩舌也佛語寶女有三十二事口辭清淨何謂三十二善慙一造德二常懷耻愧三等修於善四不為劣惡五不索譏謗六不為卒暴七教化諸天八不與惡懼九燒諸惡起十開演善歸一賢聖所命二恭奉明智三其內清淨四善修於外五而受言教六分別言辭七無執執說八口演柔軟九言語殊特十口暢香潔一而隨教命二无有欺詐三無所熱惱四造業可愛五内无有失六外亦無誤七不為罪業八造眾枯地九樂於佛道十傳語至誠一言輒獲利二是為三十二事也

佛告寶女所謂至誠求願具足所以者何喜布施者為菩薩道无慳貪故斯成志願一切所有設能慈施觀是以後此則至誠清淨之誠為菩薩道不

寶藏經卷第一 第三十 優

為毀禁斯成所願假使戒禁具足清淨觀是以後此則至誠建立忍力為菩薩道志不懷結斯成普願其忍辱者此為柔和觀是以後則為至誠導修精進為菩薩道不為懈怠斯成所願設能普行一切德本觀是以後則為至誠建立禪定為菩薩道不為亂心斯成所願設能懷來習一心者觀是以後則為至誠建立智慧為菩薩道不為邪黠斯成所願曉了聖慧觀是以後則為至誠四意止行為菩薩道不為放逸斯成所願意以寂定觀是以後此則至誠四意之斷為菩薩道不與眾惡心若滅除斯成所願觀是以後此則至誠四神足行為菩薩道無有不達已能飛行斯成所願觀是以後此則至誠五根之事為菩薩道諸根寂然无有錯亂斯成所願諸根澹泊觀是以後此則至誠五力之行為菩薩道不為無勢具足十力斯成所願觀是以後斯則至誠七覺之意為菩薩道无所不了已能覺達諸情不起斯成所願觀是以後此則至誠

寶藏經卷第二 第三十一 七

八聖道行為菩薩道无有邪徑設慶聖路斯成所願觀是以後此則至誠四恩之行為菩薩道不為無救攝諸危厄斯成所願觀是以後此則至誠修四梵行為菩薩道不為天人慈悲喜護救濟群黎斯成所願觀是以後此則至誠神通之慧三達之智正觀寂寞為菩薩道無諸瑕穢眾行普具斯成所願觀是以後此則至誠具足一切諸德法本為菩薩道不為无度蠲除一切諸不善法斯成所願設能宣佈仁賢之法觀是以後此則至誠佛告寶女菩薩亦當說習奉行賢聖之諦知於苦慧斷於所習曉了滅盡修行聖路彼所謂知於苦者分別五陰无所起故斷於習者於五陰愛無所習故究竟思情无所習行其為脫門無所遊居不懷所施其无所懷則於過去而無所至設於過去无所至者彼則正法無所蠲除已於諸法无所除者是為斷習彼知滅盡一切想著所興方便觀究竟盡其滅盡者為不復懷得於生死等於所有終始均

寶藏經卷第二 第三十二 佛

平於一切法而無增減已等觀者斯為曉了滅盡之慧彼察平等於八正路則能等療无所想念而無邪想求諸塵勞无有吾我以無吾我便无所受則無所生无造業者慈能普修於一切法是則名曰為聖路矣假使於斯至誠之慧曉了一切皆暢眾生亦無有内亦无所證是為菩薩之至誠也佛說是至誠教時一万菩薩具足聖慧逮得法忍

佛告寶女何謂菩薩應順於法御行如法則隨法教思惟於法法為志性恭敬於法遵修法行欲慕於法樂於法樂多存於法法為妙英法為刀杖被法之鎧誓法自嚴修法光明法之錠燎常志法念以法為意遊步於法分別經典方便應法遊步法行法為卧寐法為威儀將護法事以法布施法為財業法無有盡普和演法法為嚴辦常修法身法為言辭思惟法念而不放逸如是比類遵修法行具足成就而順法主不為非法彼為何謂順法主者設使如斯至誠真諦被佛法鎧以

法為護恭敬聖眾懇懇聽經樂於道意積累眾善不捨至真志性本淨而無所著不違所應見諸賢聖習眾善友常行恭敬隨其示現離於憍慢多所咨嗟遊在法會至心聽經慕求法典不以厭足講說道義則不慳倦而於經法无能為師念報恩慈以有反復所作成辨處於閑居而無忍懼賢聖之教无所犯負不捨止足順從十善咨嗟布施勸助佛道奉於禁戒忍辱為力遵修精進而不怯弱禪定寂然遊入智慧興隆道化顯揚善權慈多所護入於愍哀悅豫行喜護離二事而順至誠所可遭遇以善為業興發神通導利正法在所遊至以法惠施於四意止不忘失志四意斷者遵修平等四神足者現在究竟諸根明達修治諸力曉了諸覺超越徑路入于寂寔觀察所行真諦之惠聖明解脫頌宣暉曜順諸聲聞隨其本地教化緣覺咨嗟一切大乘之德則以應誼而理緣起便於空無无所忍畏遊于無想則无所著觀察無願五陰如

幻觀諸四種亦如虛空又諸入者本淨悲空七財之業遵修六念及樂於六行度無極而獲五眼第一之議常自將護多所超度善修道業等心一切眾生之類歌頌一切無量諸佛功德之法佛言寶女順法菩薩不言有我不計有人亦不計命亦不念壽不思斷絕不觀有常不見所有若復不離之所觀者不釋邊際不倚中間不從朋友亦無諍訟亦无不和亦无偏黨不處顛倒不在邪見越度狐疑蠲除陰蓋諸所望不違遠法亦不乱法不誹謗經不輕慢道不滅究竟一切諸法順道菩薩志存諸法具足經典所言至誠為順法矣無所興舉於諸異學順法言者茲難邪行悲以滅矣於一切世而順法言菩薩順空行无所獲則無邪想无瞋恚法順無願教而於三界悲无所行懇懇專精觀諸瑕穢順法菩薩則無所起亦无所滅則不受生本性清淨義在寂寞俾告寶女所謂法者則不可獲無有文字而无言說亦無辭意无色無見亦

無所趣无有言誨亦無所教離心意識无有塵垢以離瑕穢遠於貪欲無有窺真无所積聚則無吾我而无所受亦無所取離於所受无有境界便無老特於十方界而无所著則為澹泊弃行身退亦不可觀覺了玄曠亦無想念亦无思行抑制聖賢為明智者所蒙開化亦無所遺亦无不遺休息一切所可遇者則如真諦三世為空便無永沒亦无終亡亦無退還亦无所生無所成就亦无毀滅亦無所有亦不有不有亦無所成亦不成亦无所行亦無所視亦无不見亦不離視亦不成相亦無不相則為一相亦復無相亦无所著離於所著亦無有餘无著無縛亦无所脫不是我亦无所属无所遵修亦無諸漏則无等倫亦無平等无有所等亦無至誠亦不虛妄不樂不苦亦不精進亦無不勤亦无所應亦不應亦不專精亦無不精亦无名色亦無所起不為堅固亦無不固无所破壞亦無不壞不為金剛亦不壞相則為真諦不違至

寶壽問經卷第一 第六節 跋

誠而無別異亦无所遠亦無有像類
无有倫比無有處所亦无有想亦無
有此亦无有彼亦無差特亦无有內
亦無有外亦无中間亦無所樂不度
彼岸亦无所見亦無所聞亦无所念
亦無所教亦无所知亦不無知亦不
有形亦不无形亦不有作亦不無作
則離一切諸所有形是謂為法如是
法者則無音聲亦无不聲亦無合會
无言無說是謂菩薩應順於法也
佛告寶女具是一切諸所言辭則為
順法其順法者未曾與人有爭訟
其順法者不輕慢他其順法者亦不
輕易於未學者亦不偏敬學成就者
其順法者不自稱譽亦不顯己其順
法者不乱經典其順法者不以供養
而說道義其順法者不為他人順發
狐疑其順法者終不訟說他人之罪
其順法者不輕慢經其順法者終不
妨礙他人經道其順法者終不覩見
覺了諸法老特分數其順法者不覩
諸法離於空者其順法者悉觀諸法
不遠無常其順法者不覩諸法捨於

寶壽問經卷第一 第七節 跋

无願其順法者不壞法界其順法者
不動無本其順法者亦不超度於真
本際其順法者亦不導御隨順也
其順法者亦不御念於諸神識其順
法者亦不導利有所倚著其順法者
亦不思念計有人也其順法者不乱
法議不違嚴飾其順法者不迷神識
不惑道義其順法者不毀正議其順
法者不錯法品其順法者不迷於人
其順法者不造邪黨其順法者亦不
順於緣起之事其順法者則無有勢
亦无有法清淨因緣其順法者亦無
慳吝塵勞之穢其順法者不沒禁戒
其順法者亦不捨於毀戒之人其順
法者无有懈怠瞋恚結恨其順法者
不與懈怠垢濁之人而俱同歸其順
法者不失道意其順法者未曾違壞
智慧之本其順法者不求他人法之
長短其順法者不用憎人厭於經典
其順法者不用經典御於典籍其順
法者不違律教其順法者不違法律
其順法者亦不違修而有所應具法
非法其順法者不以心念而有所失

寶壽問經卷第一 第七節 跋

其順法者不沒經典其順法者不壞
成就其順法者不取結縛其順法者
不得生死其順法者不除無為其順
法者无有親友怨讎之想其順法者
不毀報應所殖之果其順法者亦不
信樂罪福之應其順法者若加惡言
則不念報其順法者不求閻諍之瑕
缺也其順法者則不恣口其順法者
將身口心不為諛諂其順法者不以
自顯欲令人見處於閑居其順法者
不以供養之所貪利而見少事其順
法者不以无欲而造凶偽其順法者
不用他人及與已身演說佛道其順
法者不與反教其順法者不以七財
而為貪悋其順法者不以糗糧而為
服食其順法者亦不破壞嚴父族種
其順法者不譏人短其順法者亦不
稱譽已身之德其順法者不分別說
佛之道德而有限尋其順法者咨嗟
大乘不以怨默是為菩薩應順於法也
佛告寶女何謂菩薩尋應威儀所謂議
者無求名聞非羸劣誼遵修療治一
切德本積累善誼志性超異興發道

意合集空誼假使布施不望報誼顯揚一切諸安之誼不毀戒誼忍不忍誼精進之行一切所造則超度誼而以禪定為寂寞誼則於智慧無猶豫誼遵修慈者等衆生誼設為悲者則於衆生一切演誼其為喜者歡樂法誼若為護者於諸苦樂無動搖誼若布施者則無誼誼欣樂所生元所害誼造成誼者興法願誼平等誼者勸化衆生志于大乘而以四恩化黎庶誼一切万物非常苦誼一切諸法無吾我誼於諸塵勞至澹泊誼而於識者曉聖慧誼遊嚴飾事為持御誼一切經典則為帶嚴導利典誼計人命者化以法誼若能了識觀達法誼說誼無盡分別經卷不壞法誼若親順滅入無色慧而遭辯才隨其衆人應病說誼設布施業不以厭誼為持戒業具足願故博聞之業奉要行故功德之業滿諸相故為惠業者曉了一切群生根故寂然之業持心事故觀察之業通達智故四意止者制止忘故四意斷者與顯一切切德法故為

神足者遊十方故其五根者不破他故亦不毀空為五力者而不錯亂諸塵勞故七覺意者曉了一切諸法之故遊求路者於一切法無結恨故成神通者究竟本末元缺漏故在彼如斯若故像類順法議者則為究竟法誼之要若應此誼尋應威儀不為非誼如是菩薩尋應威儀
佛告寶女一切顛倒衆邪見滅則為空誼行空菩薩為順誼矣除一切想應以不應則無想故无想菩薩便順應誼難於一切三界之願則元願誼無願菩薩便順應誼休息一切諸所造行則無行故无行菩薩便順應誼捨遠所生一切滅盡則無生故无生菩薩便順應誼諸所起受以無所起則元起故無起菩薩便順應誼而以獨除苦習盡道則為盡故滅盡菩薩便順應誼一切諸法无有人命則為無故无人菩薩便順應誼切言辭皆經之誼而不可得則為故矣無獲菩薩便順應誼諸行清淨則誠諦故至誠菩薩便順應誼一切道品法无放

追則為故矣無勝菩薩便順應誼一切所聞悉信奉行則為誼也遵行菩薩便順應誼一切諸乘由大乘故若有菩薩隨大乘教便順應誼
佛告寶女無所壞者无若干事則為誼矣一品類者若一味者則為誼矣無所動搖若无所盡則為誼矣無所行者不生不起則為誼矣无所來者亦無所去則為誼矣无所生者亦無所滅則為誼矣无有二事不舉不下不高不卑則為誼矣無所造作亦无有形則為誼矣无有所興為亦無所有則為誼矣無有同像无所勸教亦無有知則為誼矣无有於三環淨三道場平等三世三垢永除而無三塵則為誼矣无所遊止無所毀失則為誼矣无有怨敵為澹泊行無有惱熱則為誼矣无有無居行則為誼矣無所宣布无有攝取常如應行則為誼矣断去未今無有諛誼則為誼矣亦不想念正法非法除有限无限有常無常平等之惠而超度去則為誼矣於諸文字所應音聲而悉曉了一切本淨无

寶雲經卷第一 第三十 經

有言辭則為誼矣曉心意識無所宣暢而出家者則為誼矣於姪慈癡塵勞之欲有想无想應與不應悉分別之而無想著則為誼矣等於諸法而无若干不為老特則為誼矣空无想願無所造作亦无有承則為誼矣曉了第一至誠事者不有所信不仰他人不知相處則為誼矣亦無勅教不著諸相則為誼矣相如虛空靖寂之相則為誼矣無所著相无所造作無所悅相則為誼矣無所壞相如其本无真諦無異无老特相則為誼矣善開化相計陰如幻自然之相則為誼矣其四種者為法界相而不遊出徑行外相則為誼矣布施戒惠寂然善權無有相者則為誼矣興說至誠无欺詐相一切所有為無所有相則為誼矣猶如金剛堅无壞相處於世間無所誣相則為誼矣所作極善而諦究竟具足之相則為誼矣一切普入而悉濟相无有陰蓋所向門相則為誼矣等於諸趣入於一切諸法之相則為誼矣平等無邪觀於平均无所有

寶雲經卷第一 第三十一 經

相則為誼矣定意智慧因遊生相解度知見而為慧相則為誼矣依於聖相若有所知若教命相則為誼矣如其真諦曉發還相等御一切諸法之相則為誼矣假使菩薩如是具足所修之誼能說若斯諸誼事者則能分別一切衆誼故謂大士菩薩尋應威儀者也
佛告寶女何謂菩薩奉順律教如來講說而有二律何謂為二殃罪之律次勞欲律彼何謂殃罪之律所言罪律思想之本不應順本無明之本愚癡之本顛倒之本无實之本虚偽之本貪身之本猗我之本著人之本懈怠之本無所捨本无所歸本狐疑之本惕恣之本難致慧本是謂殃罪之律何謂决塵欲律住無猶豫而无所念無有罪度亦不說罪不說方面不樂正者不為塵埃無有慳貪亦无所見心無所起其志安雅離于減盡則无所有無有塵所亦无方面無有塵勞无所有憚惜亦无所觀計如心者罪亦如之如其罪者一切諸法亦復如

寶雲經卷第一 第三十二 經

是無有根本亦无所住猶如心者不可攀引清淨鮮潔超諸所有寂然落泊趣于減盡斷絕休息生死患難信導聖教而東一心無有猶豫志於同歸无有殃置是則名曰决塵欲律
佛告寶女何謂塵勞何决欲律所言塵者謂姪慈癡无明恩愛及以所受諸有十二所趣有為因緣之行是曰塵勞所决欲律究竟開化一切諸法所以者何則以空事開化諸法彼无欲行無患恨癡則以无想開化諸法亦無散習行衆勞塵則以无願化於諸法彼則習行諸德善事於一切行而無所行已无所有化於諸法以無所行導利諸法彼於所造而無所行一切諸法依倚因緣於一切見无所遵修假使於此十二因緣有所歸趣平等諸法於一切勞則無欲塵本末寂滅所云空者俗與道空以是之空一切塵勞欲事亦空假使以空等於道者是决欲律其有言曰彼典主律自開化者乃名曰律其能知已自化身者則能曉了開化欲律何謂開化

已身之律其能分別於我不我知身
 自然解已澹泊了已如實曉於已身
 無所瞋恨分別身空已无所有曉已
 無本了已无獲分別已身而不動搖
 分別已身無有倫比曉已無生亦无
 所起其有了已分別如是則了塵勞
 而无有本亦復若斯如無有我而想
 有我彼則顛倒設如是者已无塵勞
 而起勞想是為顛倒又如吾我本淨
 無身如是欲塵則為本淨无塵勞也
 其有曉了如是觀者是決欲律彼亦
 不化過去欲塵亦無當來亦无現在
 所以者何不習諸行亦不復念塵勞
 欲塵其於已身無所念者則无過去
 亦無當來亦无現在又如心者無有
 色像則无有內亦無有外亦无所得
 欲塵如是則無色像亦無有內亦无
 有外亦无所得無所得者則无瞋恨
 亦無諍訟无所得除亦无所造無所
 不造亦无所作亦復不作一切欲塵
 其有遊此於諸欲塵了別恩愛而無
 所有亦不離有是則名曰決欲塵律
 佛告寶女假使菩薩曉了如是開化

欲律則能教諸人欲塵而說法矣
 是則名曰奉順律教佛說是至誠真
 教之法隨誼奉順律事一万菩薩得
 不起法忍寶女欣然志懷踊躍善心
 生焉前白佛言未曾有如來快說此
 至誠法歎詠誼律設使菩薩奉行如
 斯則為第一無所諍訟便能獨除眾
 生所訟則順經典

寶女所問經卷第一

辛丑歲高麗國大藏都監奉

勅雕造

發意三十二寶品第二

尔時賢者舍利弗問寶女曰今者女
 身豈能脩於至誠之法誼律行乎寶
 女荅曰唯舍利弗其至誠者無有言
 辭法者无欲誼不可獲計於律者身
 心寂然又如彼者不可發遣亦無所
 受唯舍利弗其至誠者則滅盡相法
 憍相相儀離嚴飾律解脫相以是之
 故不有言辭亦不可說唯舍利弗至
 誠無本法无差特議無有二律无造
 誼以是之故不有所說亦無言辭不
 可讚詠時舍利弗復問寶女女所執
 寶為何等類而尔名曰為寶女也於是
 寶女荅舍利弗菩薩則以三十二事
 而現目前興發寶心一切聲聞緣覺
 之乘所不能及何謂三十二事救濟
 一切黎庶之類皆令興發諸通慧心
 不斷佛教則發寶心將護法教則發
 寶心亦不斷絕聖眾之令則發寶心
 勸導眾生立賢聖安無極之珍則發

實心獨除。黎庶塵勞之欲去諸惱患。至于大哀則發實心。一切所有。琦珍異寶。悉能捨施。內外所有。瑣瑣之物。無所貪惜。則發實心。自能護已。禁誡善行。能以救濟毀戒之人。則發實心。忍辱之力和雅。安詳精進。合集令諸順諄。惠感怨害。貢高自大。懷結之衆。群黎之類。恃怙力勢。欲有所加。使與忍辱而令衆生觀于道法。忍辱之力。則發實心。不怯不弱。亦无慙怠。堅固慙慙。永不迴還。於大乘行而不慙倦。關化慙怠。衆生朋黨。令大精進。則發實心。心意專精。而修一行同等。擇定三昧。正受所歸。是特開化衆生。令於欲界而無所著。以權方便。退還於禪。則發實心。智慧分別。破壞一切諸窻。冥法猶如真正。而无有二。入施一品。感動聖達。則發實心。等心一切。而无加害。道无若干。尋以一味。為諸通慧。則發實心。離諸結滯。而以平等。有為無為。有形无形。亦無歡欣。不離寂然。无心熙怡。善住安諦。意不動搖。苦樂不移。將護群黎。則發實心。離於恐懼。

於深緣起。十二相連。奧妙之誼。而無所畏。所當度者。曉了超越。不取諸見。則發實心。積累功德。而无厭足。周滿相好。則發實心。常志好樂。欲見正覺。而不違遠。恒觀諸佛。則發實心。求聞經法。聽省典籍。稱量誼趣。則發實心。如所聞法。可講說者。發無量心。所興諸法。无所師受。則發實心。建立所行。觀毀戒者。而以恩濟。則發實心。其無所學。志存新學。而不輕慢。則發實心。捨于貢高。自大甚。憍邪。憍之心。卑下謙順。而受教命。自屈。替首。一切衆生。則發實心。志存微妙。諸根明達。顯除卑賤。下劣之乘。信樂大乘。直心向道。則發實心。離於魔事。除去勞塵。潔淨清白。而無垢濁。便无瑕疵。貪欲。涂汙。乃以永除。樂處所有。不以此慙。廉則發實心。而常專精。行在滄泊。秉閑居德。身心寂然。滄虛之行。亦不汙穢。生死之難。志于大哀。則發實心。於是菩薩捨於己身。一切之安。欲安天人。開化衆生。遭苦患者。於衆惱。不以慙。憊則發實心。斯菩薩者。光明寂然而如。

勢力速。無漏法。觀於解脫。如案已事。假使欲令。而不遠捨。所有之事。悉欲具足。十方諸佛之法。則發實心。斯為菩薩。非常。苦空。无我。非身。觀斯諸法。則無有厭。不染塵。欲樂。志无欲。道品之法。則發實心。斯為菩薩。空無。想无願。於一切法。而無所行。則以觀察。觀見衆生。便於諸法。而不造誑。則發實心。斯為菩薩。觀於諸趣。恐懼之難。忽如失火。燒其頭。毀精進。具足不可計會。无央數。劫。避於生死。而不慙。廢諸通之慧。則發實心。是為菩薩。設使親近於佛。道者。漸漸加增。微妙之身。聖慧之業。彼時行者。不捨大法。伏意樂。順隨諸窮。匱不增穢。之不以慙。厭。則發實心。是為菩薩。假使勸化群黎之黨。第一精勤。樂于道。誼不計。吾我堅回。志性。至于大哀。則發實心。唯舍利弗。斯為菩薩。三十二事。而發實心。則為名。曰無極妙。珍寶。一切菩薩之寶心也。

於時世尊讚寶女曰。善哉。善哉。甚快說此菩薩之行。所發實心。而得入道。

又復寶女斯諸正士有無量德所可
歎詠發於无上正真道意所以者何
非聲聞寶非緣覺寶斯則名曰為佛
道寶為菩薩寶加復興隆佛道之寶
因而生出聲聞緣覺菩薩發心所興
之寶皆悉出生一切諸寶

聰明品第三

於是賢者舍利弗白世尊曰至未曾
有中天此寶女身所問辯才分別
解說如所了慧聰明之慧本豈達乎
演暢要事世尊問曰於舍利弗所念
云何斯寶女者不以聰明慧演說法
要莫造斯觀此寶女者已得聰明無
斷辯才於時者年舍利弗問寶女曰
女樂堪任分別聰慧解說緣便寶女
報曰唯舍利弗一切諸法悉而應說
皆歸聰明所造之業唯舍利弗菩薩
意者分別解說為聰明慧所以者何
攝取一切諸誼之要故發道心是為
於誼聰明之慧等御法界故發道心
是則名曰辯才之慧彼所說者皆歸
滅除是為滅盡辯才詰慧一切頓旨
為聰明慧發此心已至無尋頃无斯

辯才是為辯才聰明之慧

寶女復謂舍利弗無所行誼无所著
誼心志大誼聰明了誼而常善思法
如幻誼計其心者則為法事聰達之
心心了諸門有所歸者歸於明誼不
倚六情心无所著辯才無尋分別聰
辯所有誼者則為非誼見法澹泊所
謂順趣假音聲耳其辯才者託於言
莊所去佛者無不覺誼由是法生緣
斯順應分別法矣有辯才者分別自
恣法誼為誼无恣之法乃為法矣應
順之法乃為順矣法之辯才乃為辯
才無所有誼无為之誼合會之誼為
聰明誼合會法者一法味誼聖眾順
滅乃為順滅有所分別乃為辯才是
為舍利弗諸法講說章句常觀此法
則為聰明誼也

問寶女品第四

尔時賢者舍利弗問世尊曰其寶女
者發無上正真道意以來久如為於
何佛而志大道佛告舍利弗乃往過
去久遠世不可計會无央數劫尔時
有佛号曰維衛如來至真等正覺興

出于世明行成為善逝世間解無上

士道法御天人師為佛眾祐世界已
清淨佛土衣被飲食居宅遊觀皆如
第四兜術天上諸菩薩眾又彼佛時
純慈一類唯菩薩眾菩薩之會七十六
億皆不退轉得諸持出于辯才
佛言舍利弗時維衛如來至真有轉
輪王名曰福報清淨主千世界帑帝
珍寶不可稱計福報清淨中宮之內
夫人綵女八万四千皆國中上真人
玉女王有千子悉皆力士威勢難論
其王供養維衛大聖三十六億歲一
切施安而諸菩薩奉衣食牀卧之具
病瘦醫藥舍利弗問曰唯然大聖維
衛如來壽命幾何世尊告曰壽十中
劫福報清淨王供養維衛如來不可
稱限中宮諸子眷屬枝黨九十二婢
侍從圍繞詣維衛佛誓首足下明月
珠璣其價百千奉上世尊則而又手
白維衛佛唯然大聖吾身所有供養
眾倍寧有供養超過此者遠如來也
佛告舍利弗維衛如來若福報清淨
王曰大王欲知有異供養為尊為上

為無億正王所未施設百倍千倍萬倍億倍戶億萬倍超勝於王前所施與供養之具又問何謂維衛如來見彼大王心之所念則說頌曰

億千諸佛國無數如恒沙至億百千劫滿中珍寶施而供養如來今集其福德不及愍眾生而發道意者事億千諸佛收數如恒沙奉無數億劫亦如江河沙佛道心哀勝七步為超殊斯供養諸佛取尊豪尤上斯施為超越識無量上忍此精進堅強定意慧無動其發道意者志願於導師是福取無限所積不可盡名稱遠流布眷屬親親妙財寶勢力豪心念如僥獲為轉輪聖王威力天帝梵若志性欣豫斷意諸通慧消滅諸惡趣悉無八難畏長益清淨道常處天人路若人建立志離垢无上道諸根恒明達聖聰無闇塞觀諸佛奉事而聽聞經典精求智慧常知和道心心無猶豫結離諸常所置愍濟眾生故其志願道意不樂諸欲樂志慕于法樂普世无所著行如水蓮華不歇福德慧志求度無極發道心如是孰不建大道則以巨錠錄

招濟諸群黎為尊上明師眾生大導師度世為眾上施樂除諸病建立於道意億無量无盡

佛告舍利弗福報清淨王者從維衛如來聞發道意咨嗟功德不可限量歡喜踊躍不能自勝則發無上正真道意時王中宮太子官屬群臣百官及諸小王眷屬翼從說此頌曰

今以建立最尊道意興發慈心愍傷眾生假使欲得吾所敬重則發道意令其堅固生死齊際而不可知坐行非事墮於苦惱愍勸精進志尚佛道為眾生故行愍善哉則能長益辯才智慧具足供養聖達如是維衛之佛得不可量為通慧心所行若斯欲獲天世之所安隱帝釋梵天轉輪聖王有為之安元為之樂則當遵修於斯道意思攝禪定不可限量度于彼岸道亦如之聖通之慧靡所不達諸一切智所行如是十方佛勢不可思議四無所畏如來所有諸佛之法

弘廣无邊從清淨心而獲致斯假使欲動億千國土音聲普告而悉聞知修清淨行恢弘无垢有聰達者當發道意則為十方之所奉敬而諸如來悉咨嗟之為諸眾生無請之友有聰慧者當發道意設使佛道現无慧慈說其功德無數億劫佛之道意所有功祚不可盡極況欲限乎今時福報清淨大王適說此偈九十二救民人之眾及王後官并千子則發無上正真道意三千大千世界六反震動十四億天演勸助音發大道心然後彼王轉輪聖帝則更恭肅十億載供養維衛如來之尊一切施安淨修梵行清淨之戒常聽如來所說經典眷屬俱往陪受法教則立長子而為國主便下驥駿以家之信離家為道行作沙門作沙門已尋則學是四無盡句次第咨嗟稱限求趣何謂為四至誠章句法典章句妙誼章句律令章句具億千歲入權方便其王出家學此以後於千世界三昧正受超

度衆生悲於維衛如來之所而作沙門佛告舍利弗欲知今時轉輪聖王福報清淨者豈異人乎莫造斯觀則是寶女斯寶女者於維衛佛初發无上正真道意時舍利弗問世尊曰以何罪蓋受女人身佛告舍利弗菩薩大士不以罪蓋受女身也所以者何菩薩大士以慧神通善權方便聖明之故現女人身開化群黎於舍利弗意趣云何斯寶女者為女人乎莫造斯觀承聖通力而有所變則真菩薩也當造斯觀无男子法無女人法具足一切諸法之要無来无去此寶女者處閻浮提開化教授九万二千諸童女衆皆發无上正真道意於時寶女謂舍利弗者年豈能現女人身而為衆生講說法乎舍利弗曰如今吾者則不好樂男子之身况當復受女人之像寶女問曰卿為穢獸於己身乎便答女曰實患獸之寶女答曰是故菩薩超越一切衆生之類而無有侶舍利弗曰以何等故其女答曰唯舍利弗聲聞之家所可穢獸其諸菩

薩不以患難聲聞之家何所穢獸五陰四大衰入之事聲聞所患菩薩執持五陰四大六入之事不以為患聲聞穢獸所生周旋及受吾我菩薩受身無所患獸諸聲聞衆患受生死菩薩遊入无量終始不以患獸聲聞穢獸所生衆難菩薩所生而無患難聲聞惡獸功德之業菩薩積累衆德不以獸足亦無患難聲聞惡獸在於衆會菩薩開化群黎之黨不以患難聲聞穢獸郡國縣邑菩薩普入郡國縣邑州域大邦不以惡獸聲聞穢獸已身塵勞菩薩不患一切衆生塵勞之欲唯舍利弗聲聞之家所可穢獸菩薩大士無所患難

八力品第五

於是舍利弗問寶女曰菩薩大士承何威力无所穢獸寶女答曰唯舍利弗菩薩八力無所患獸何謂為八一曰慈力无所加害二曰哀力不捨群黎三曰和性之力不為下劣四曰慧力離於塵勞五曰權力心无所獸六曰德力行无所著七曰聖力剛無畏

慙八曰進力本志上願是為八力菩薩周旋之所建立道德之力無所患獸者年舍利弗問寶女曰汝豈具足如斯力乎若能平等往來周旋耶寶女答曰若以平等平等住者設能如斯行諸平等彼則無力亦不羸劣其平等者彼則不有亦復不無無无所造不造所行斯謂平等平等猶空一切諸法亦如虛空其如空者則無虛空空虛曰寂便无言說若如曠野一切諸法亦復如是猶如虛空恍惚無形亦无言辭如是平等則無羸劣亦無力勢唯舍利弗菩薩羸劣則有勢力所以者何假使若以塵勞愛欲而羸劣者則以智慧而有力勢若慳貪劣則用布施致於堅強設以犯戒而羸劣者則以戒禁而堅強矣設以瞋恚而羸劣者則以忍辱為力勢矣其以慙息為羸劣者則以精進為力勢矣其以亂意為羸劣者則以禪定為力勢矣設以邪智為羸劣者則以正智為力勢矣斯一切法設使菩薩於不善德而羸劣者則以德本為力勢

矣於時世尊讚寶女曰善哉善哉若有欲言當作斯說說是語時五百菩薩得法忍

十種力品第六

寶女白佛所可謂言如來十力以何等力為十力乎而得成就佛告寶女假令菩薩行菩薩道未曾歸于成立下乘也終不與造不善之業彼則以斯堅固之力遵詣道場寶女又問何謂十力佛告寶女曰力達處處以處處力審如有知有限無限審如有知假令寶女如來處處非處處事有限無限審如有知是為如來第一之力也如來以斯於眾會中而師子吼解无著要轉淨法輪沙門梵志天龍魔王梵天世人魏魏之德莫能當為常如法故

復次寶女行菩薩道欲令餘殃罪福之報未之有也彼以得蒙遵修力勢建成佛道過去當來現在罪福悉知其原設使如來知去來今罪福報應善惡所趣審如有知是為如來第二之力也如來之力而於眾會則師子

吼解無著要轉淨法輪沙門梵志天龍魔王梵天世人魏魏之德莫能當焉

復次寶女行菩薩道觀眾生根而為說法知其原已而度脫之若使應于

眾人之根以此具足速成佛道為諸眾生以精進根限了黎庶審如有知

假令寶女如來現知眾生根本而師子吼是為如來第三之力應如法故

復次寶女行菩薩道入于眾生人物之界隨人所好如其黎庶而建立之

彼入斯界究竟之力速成佛道而曉世間無數之形若干種體假令如來

入眾生界各從信喜而開導之是為如來第四之力應如法故

復次寶女行菩薩道群萌之類志若欲脫因其所信而得勉濟求于慧見

觀如慈信而不惡穢彼則以是信解脫力究竟之事速成佛道而知黎庶

若干種信無量之樂審如有知假使寶女如來了知仙人眾生若干種信

所樂无量審如有知是為如來第五之力而於眾中則師子吼沙門梵志

天龍魔王梵天魏魏之德莫能當焉

復次寶女行菩薩道願發遣患有為無為有形无形之所有法求聲聞乘

緣覺之乘若復大乘彼以斯慧具足之力速成佛道一切盡入究竟之慧

審如有知假使寶女如來普入眾慧靡不周達審如有知獨步眾中而師

子吼天上世間魏魏之德莫能當焉常應如法是為如來第六之力也

復次寶女行菩薩道未曾廢失往古德本而不放逸超越本願彼則以斯

往古本德不忘失力具足究竟速成佛道心念過去無數劫事審如有知

假使寶女如來知己及他眾生不可計量往古之事悲誠念之審如有知

而於大眾師子之吼是為第七之力沙門梵志天龍魔王梵天莫能當焉

常如應法故

復次寶女行菩薩道遵修禪定三昧正受心無所生離于欲塵調隱柔仁

彼則以斯柔仁之力具足究竟速成佛道了於黎庶一切禪思脫門定意

正受之行塵勞懷結審如有知假令寶女如來曉於黎庶一切禪思脫門

三昧正受塵勞懷結審知有知是為
如來第八之力而於大眾師子之吼
沙門梵志天龍魔王梵天魏魏之德
莫能當焉

復次寶女行菩薩道未曾覆蔽衆生
之功不輕未學不憚不及逮致顯明
照於衆生彼則以斯弘大光耀究竟
具足逮成佛道天眼微視如有悲知
假使寶女如來至真道眼微視靡不
親見是為如來第九之力獨遊大眾
而師子吼沙門梵志天龍魔王梵天
魏魏之德莫能當焉

復次寶女行菩薩道不御衆生至有
漏法則為黎庶說漏盡法不長諸漏
以無漏道求于衆生顯示正路彼此
無漏篤信之力具足究竟逮成佛道
普達一切盡諸漏慧審知有知假使
寶女如來悲盡諸漏慧者開示一切
无漏之慧是為如來第十之力如來
以致斯真力者則於衆會而師子吼
了無著處轉淨法輪沙門梵志天龍
魔王梵天世人莫能當焉是為寶女
如來十力如來以是十種之力具足

成就乃得謂正覺假使菩薩逮聞此
力以斯菩薩十種之力而逮成就如
來十力

四無所畏品第七

寶女白佛斯所可謂如來至尊四無
所畏十八不共諸佛之法又彼菩薩
則以何行致四无畏十八不共諸佛
之法世尊告曰行菩薩道未曾於法
違失師命了知是像常以等心懇于衆
生一切所有施而不吝等奉行法觀察
所歸無若干想以離衆著適成佛道
則師子吼吾以逮成平等之覺汝等
當知吾以曉了於此之法元不覺達
假使若有沙門梵志天龍鬼神魔王
梵天及與世人不能觀見如來瑞應
和雅威曜設不能觀現應之德欲求
佛短都不觀見而敢生意心自念言
佛不得成平等正覺設有言余佛无
恐懼行無所畏獨步大眾而師子吼
知无著處轉淨法輪沙門梵志天龍
鬼神魔王梵天及與世人魏魏之德
莫能當焉是為如來第一无畏
復次寶女行菩薩道知於內行別內

外法又復曉了聖導之法亦不習行
廢退之法亦不順從亦不自行不以
化人亦不宣布見諸聖導悲弄捐之
逮成佛道為師子吼永不觀見沙門
梵志天龍鬼神魔王梵天及餘世人
而訟理言如來講說聖導之法而今
人行雖有斯言不以恐懼行无所畏
轉和法輪於大眾中而師子吼是為
如來第二无畏

復次寶女行菩薩道而常奉行清白
之法無諍訟路講說經典淨化一切
衆生之類現在歸趣超異之德元數
重擔無為之業則普得入淨除結恨
而自積累元為之業其佛勸化黎庶
之原逮成佛道則師子吼吾以淨除
諸結恨事而講說法遵修此行悉得
嚴淨永不觀見沙門梵志天龍鬼神
魔王梵天及餘世人而訟理言如來
講說結恨之法雖有斯言不以恐懼
行無所畏轉大法輪於大眾中而師
子吼是為如來第三无畏
復次寶女行菩薩道未曾處於憂重
惱慢吾有所知吾有所見餘人元知

寶女所問經卷第二 第三段 終

而無所見志常謙遜而不自大覺了衆事不善惡行彼遵此法悉令具足逮成佛道則師子吼當知我身以盡諸漏如是斷除生死之患復為衆生廣說經典斷除諸漏永不覩見沙門梵志天龍鬼神魔王梵天及餘世人而訟理言如來講說不除諸漏諸漏未盡雖有斯言不以恐懼行無所畏轉大法輪於大衆中而師子吼是為如來第四無畏

寶女所問經卷第二

庚子歲高麗國大藏都監

勅彫造

寶女所問經卷第三

西晉月支三藏生注疏

十八不共法品第八

復次寶女行菩薩道諸有衆生常失路者導示其路溝坑塹地高下邪徑治令平等而設橋梁窈冥之處邊曠之地則立佛寺高瞻弘弘假令有人屢疑罪為無央數群萌之類猶猶豫罪令不墮殃而有慶所亦不與感他人疑不說人短言某有罪知无央數群黎志性滅除一切衆生願行而說經法無有狐疑亦不猶豫則為興顯法之弘曜而以授與大智慧明勸助諸佛一切菩薩令說經典以法施恩而無諛諂造立善業轉相勸化未曾輕人亦不調戲亦不易弃不施加害亦不毀訾國土所習亦不自大一切言辭唯信佛言隨文字教而得自在知文字空於諸言辭所有之事不覩瑕穢不求其短不瞻其缺設使菩薩行如是法逮成佛道斯則名曰无有瑕缺以無瑕缺則能具足一切

寶女所問經卷第三 第四段 終

智慧者有問事分別解說靡不通達普悉照曜善修三昧善能曉了咸入一切音聲持持常歡如來無缺之辭而說經法皆於文字而無所造是為寶女如來第一不共之法

復次寶女行菩薩道弃捐一切口之惡辭所言至誠以法為本以議為主教化為業不為虛妄无所傷害而悉捨離非賢聖辭遵修賢聖寂冥之事無有諍訟順從沙門所造立法若聞經典所求得議為他人說皆為己身及與他人志求精修滅定之事未曾與人鬪結懷怨無所訟理不求口舌亦不著空信解空行則无所著度法名號篤信如來无業道慧勸化餘人衆生之類使入此法遵斯法已逮成佛道謂無諍訟彼无音聲不以一字而有言辭亦無所說不處諸業勸化他人於斯正法脩是法已逮成佛道則無言辭以无音聲不以一字而有所演亦無所說无俗之業為諸會者善說議理可衆人意所說音辭順而應時感動國土善修三昧分別曉了

無量之行持持之門則於如來一切
順節諸相具足及一切好一切毛孔
演出無量不可思議佛法音聲能以
一毛所暢音聲悉叙悅可諸會人心
講說無量諸法之門音自然出乃是
往古本願所建勢力所致如來于彼
無有思想而常寂然无所業求是為
如來第二不共諸佛之法

復次寶女行菩薩道常不違失於六
思念而常念佛念法念衆有思念天
念行布施念行智慧亦化他人令行
六念行此法已速成佛道常不失意
救念衆生於一切法而得自在善修
三昧分別曉了法鏡持又如來尊
慈念諸法未嘗忘失彼時則以未曾
之行察觀一切衆生之類心意所念
欲來問事如來悉了不復思念若有
問者而解說之如是所言心根明達
無所罣碍皆能善說悅衆人意以一
文字一時須臾而悉周至是為如來
第三不共諸佛之法

復次寶女行菩薩道而常將護他人
之心不令餘人造瞋恨心不令心動

不憚人心不令心動未曾妨廢他人
德本不斷絕法而信其心猶若如幻
無念无想不以自恣等心一切衆生
之類等觀諸法處一法界入無所壞
行是法已速成佛道則得常定无有
須臾心不定時觀行諸法一切自然
名等積三昧而善分別普門持持如
來常定顯示一切諸佛之事無有異
業是為如來第四不共諸佛之法

復次寶女行菩薩道無有顛倒諸想
之念心不妄行不造邪見不為虛妄
則不自計有我有身无有人想亦無
壽想亦无命想無士夫想无人意想
無學志想无斷絕想無有常想无諸
見想無三處想亦无念離三處之想
亦無有善亦无不善亦無有罪亦无
不罪亦無有漏亦无不漏亦無世俗
亦无度世除塵勞根無有生死及泥
洹想受果會想衆生志性思想顛倒
蠲除此已遵修衆善則以遠離凡夫
之想弃捐一切衆邪之見亦於中間
而無所倚觀平等法行斯法已速成
佛道无若干想名曰如來永無諸念

則能善修無想三昧无盡藏持
之門如來遊步行無有想則興大哀
愍傷群萌諸妄想者其有黎庶縛著
行者勸化說法不失時節是為如來
第五不共諸佛之法

復次寶女行菩薩道心常觀察遊生
死者省諸塵勞苦惱法已則尋導御
令至普安立于法觀使不憂戚滅一
切苦於諸利求不以汲汲則為斷除
惡業之結亦不貪惑一切供養所獲
之利則於諸利有所忘失不以憂結
觀諸万物一切無常悲為苦矣不觀
身法信寂滅洹而已觀察於衆黎庶
如是色像觀察諸法奉行已速遵修
斯法究竟具足速成佛道名曰無尋
不可計會所觀察者則為如來合會
宣暢善修三昧名離三觀曉了有數
海印持持也如來普為諸天龍神阿
彌輪迦留羅真陀羅摩休勒釋梵四
天王人非人悉供養佛無不奉事不
以為厭亦无所著一切異學諸外道
奇術犯戒衆生來燒亂之不以憂感
其心平等解諸所有悉無所有其心

寶藏明經卷第八 第三十位

平等辭若如地無所不忍猶若如水
洗諸穢濁心若如火无所下燒心若
如風普無所著亦无懸慕心如虛空
亦無結恨等心療治一切衆生觀寂
實行則於斯法思惟觀察修于人行
所觀具足常與大哀遍入衆生度無
所度開化群萌不捨時節從人本行
而為說法不以動搖亦不懈怠是為
如來第六不共諸佛之法

復次寶女行菩薩道斷除衆惡慙慙
修行求於一切善德之法好于微妙
愛樂无捨惠于至深若干之種諸善
之本不捨聲聞緣覺之事志于大乘
而不退轉興發大哀愍於衆生思惟
正義未曾忘捨除已身想為他人故
合集一切諸佛之法彼則以斯好樂
於法不能絕去志慕佛道觀諸魔衆
倚于顛倒及邪見者故為斯等積累
正法速成佛道因曰如來不失正樂
以能善遵所樂三昧分別曉了金剛
總持自在於法所可應講而為說之
所向一時須臾之間所歸時節有所
持者衆生意性如其法器各從所行

寶藏明經卷第八 第三十位

而說經法常不違失三昧之定是為
如來第七不共諸佛之法

復次寶女行菩薩道常行精進恒不
捨遠不厭善本合集應德而不違廢
敬於一切尊于善友詣諸法師諸佛
菩薩親近諮受聞其經法奉事侍從
精進無量遊无教土攝護生死開解
無限衆生之類嚴淨无量諸佛國土
供養無量諸佛正覺攬持无量諸佛
之法覺達無量諸佛聖慧入于无量
衆生之行曉了無量諸佛法門彼則
以斯勸法之故究竟具足速成佛道
斯則名曰不失精進如來精進無所
忘失善修於斯精進之行三昧定意
神足變化如來神足感動變化不可
限量亦現殊特開化度脫無數群萌
堅固至誠无尋陰蓋遊諸佛土無所
損耗亦无所行而普周至遍于虛空
是為如來第八不共諸佛之法

復次寶女行菩薩道意常專秉第一
執志又恒安詳究竟具足真諦之心
未曾忘失一切世俗及度世法遵修
思惟於四意止彼則自觀內身之行

寶藏明經卷第八 第三十位

而專惟于非常苦空非身之事又觀
外身身之所行非常苦空非身之行
觀內外身非常苦空非身之事觀內
痛痒見痛痒空專修於行觀外痛痒
見痛痒空觀內外痛痒見內外痛痒
思惟知空觀內心行見其內心惟念
無想觀于外心見外心行專惟无想
觀內外心見內外心專惟無想觀于
內法見於內法行無所願觀于外法
見於外法專无願念觀內外法見內
外法行無願念彼則於身得四意止
思惟非常苦空非身具足成就如來
之身而不斷絕身之善德以解痛痒
則獲意止思惟空行察于一切諸趣
黎庶而令休息一切惡趣以設大哀
除其苦患心以解達名曰意止專修
無相亦不違失菩薩之心積累遵修
大乘之行而不懈廢心歸于法名曰
意止專修无願不於無欲法而取證
觀察佛法等御入于无量法界修斯
法已究竟顯達速成佛道是則名曰
不失道意如來常定志未曾忘斷除
衆行善修三昧如來講說變化之事

見諸衆生去來現在心之所念信解諸根度脫塵勞憂欲之行曉了結縛因緣之著非善行業報應罪福生死終始知諸佛土聲聞合會體解菩薩行受決時自說父母親族知識朋友心根明達而不忘之分別八處言無一虛是為如來第九不共諸佛之法復次寶女行菩薩道常運智慧智慧光明智慧威曜智慧顯識演智銳暉聖達之慧深妙之明厭欲之智意不可喻所興之慧達於一切聲聞緣覺慧所不能及未曾有慧曠達究竟無邊之慧趣異之慧滅定已慧念無所住无所著慧求聞無厭志于聖達暢于博聞而歸智慧觀于世間如首火然懇懇志慕大學之慧有所聽聞猶如大海聞能分別好樂經典樂于法樂彼求於法故行精進以斯法樂无有形類於內於外而悉放捨無所惜惜小心恭順奉敬尊舊常受言誨於五陰苦靡不能忍悉捨諸安所可樂樂彼以好法懇懇為樂聞一四句頌不用具足千金之寶寧欲得聞一句

之法不忘獲三轉輪聖王願樂求聞度無極不貪得致帝釋梵天寧樂為人說四句頌以法布施則不奉賴江河沙等廣說祠祀供一切之寧樂勸人發於道意而不用致江河沙等轉輪聖王寧樂為人講說經典演度无極所可遵行而不奉獲江河沙等帝釋梵王其有性行如是成就專精聽經一心而為他人說者如是精進所受奉行少有及者一切諸天所見敬奉諸佛所念其為諸天所見擁護諸佛念已俗間典籍度世正經自然現矣不學悲達則策堪任致於无盡智慧光明行是法已究竟具足速成佛道以故名曰為如來也不共智慧真諦聖達其明觀觀無所罣碍无有陰蓋皆知一切群萌之等心所行念善惡所歸有言无言有罪无罪有漏无漏世俗度世塵勞瞋恨生死泥洹皆分別說一切法門所入聖覺曉了講誦一切國土滿中諸塵其智慧明知於過去當來現在之事无所罣碍无有陰蓋劫數如是一切悉了无有

蔽罣曉了本際當來之際諸去來世說無邊際入識察行善修三昧教授變化如來至真以一切法門悉能分別一切法門使一法門入一切法門是為如來第十不共諸佛之法復次寶女行菩薩道未曾志慕於居家矣亦復不樂於捨家而復示于出家行學多為沙門好喜澹泊寂然為上靖默為業遵修精進深妙之法而復奉行斯三脫門空無想願一切諸魔及外讎敵所不敢當一切顛倒及諸邪見无能犯者化諸想著衆生之類彼則以此三脫之門而專惟行便致無蓋解脫之門自然無憂无罣慧明以度魔界具足聖界不復習行一切陰蓋顛倒覆蔽所處邪見塵勞衆想便以曉了無陰蓋門以三脫門而自娛樂則分別說深奧之法但歸要義不歸嚴飾但歸要慧不歸於識歸分別要不歸多辯但歸於法不歸於人所歸導利一切衆生美辭嚴飾難諸想會講說分別歸於要義而令解脫於色想會講說分別歸於要慧而

寶女所問經卷第五 第七張 後

卷一

度脫之在於多辯而合會矣說色平等令歸正說而度脫之依於人會分別勸化使歸於法而度脫之假使會在六十二見為分別說謊无之要使度脫之設集遊在一切諸想因緣之惑解脫无想而度脫之遊在三界分別無願而度脫之集在欲行解脫空淨而度脫之集在瞋恚分別慈心而度脫之會遊愚行解說緣起十二相連而度脫之入于貪會分別現說施度無極而度脫之在犯禁衆分別現說謙度无極而度脫之在瞋恚衆分別現說忍度無極而度脫之在懈怠衆分別解說進度無極而度脫之在亂意衆分別現說禪度无極而度脫之在邪智衆分別現說慧度無極而度脫之在凡夫衆分別現說聖諦之謨而度脫之在四倒衆分別現說無常苦空非身之法而度脫之在於一切陰蓋之蔽顛倒邪見迷惑之衆分別解說無蓋脫門而度脫之在塵勞衆分別現說十方諸佛道品之法而度脫之行是法已究竟具足逮成佛

卷之四 第十三張

世久。

道所以名曰如來不失度脫以能不
失於解脫者則无瞋恚究竟根原無
有缺減本末清涼遊諸所趣入于深
妙所達神智而不可及甚難當矣過
於聲聞緣覺之乘普能獨步於諸佛
道離穢無垢則无瑕疵究竟清淨而
莊嚴治寂觀之業志有所託而不可
盡无量無邊則於无為無所罣碍修
行平等譬如虛空善修三昧踰離垢
歲皆悉照曜一切諸法曉了摠持如
來說法悲解脫想一切所歸末親近
者普以暉曜多所開明向於元為而
崇滅度至重泥洹究竟具足得其邊
際是為如來第十一不共諸佛之法
復次實士行菩薩道以慧為尊慧為
勢力歸於要慧講論慧土超越諸慧
所歸趣者嚴治聖道興顯所行求於
超異淨修神通成一切智修行道意
具足究竟則得聖達至諸通慧若有
欲心知有欲心之所興發若元欲心
知無欲心之所興發若有瞋恚心知瞋
恚心之所興發離瞋恚心知離瞋心
之所興發若有愚癡心知愚癡心之

寶善堂經書第三
第七張

世

所興發離愚癡心知離愚癡心之所興發若有塵勞心知塵勞心之所興發離塵勞心知離塵勞心之所興發若睡眠心知睡眠心之所興發離睡眠心知離睡眠心之所興發若合會心知合會心之所興發離合會心知離合會心之所興發若莫養心知莫養心之所興發離莫養心知離莫養心之所興發若貪他心知貪他心之所興發離貪他心知離貪他心之所興發若過上心知過上心之所興發若无上心知無上心之所興發若陰蓋心知陰蓋心之所興發若無陰蓋心知無陰蓋心之所興發若無決心知無決心之所興發若有決心知有決心之所興發若有惡心知有惡心之所興發若有善德心知有善德心之所興發若有罪心知有罪心之所興發若離罪心知離罪心之所興發若有漏心知有漏心之所興發若無漏心知無漏心之所興發若世俗心知世俗心之所興發若度世心知度世心之所興發若有著心知有著心之心之所興發若有著心知有著心之心

所興發若無著心知无著心之所興發若清淨心知清淨心之所興發若薄妙心知薄妙心之所興發若衆憤心知衆憤心之所興發若習更心知習更心之所興發若無更心知无更心之所興發若邊際心知邊際心之所興發若無際心知无際心之所興發取要言之若慳貪心布施之心若犯禁心奉戒之心若瞋恚心忍辱之心若懈怠心精進之心若乱意心禪定之心若邪智心以正智慧度无極心凡夫之心聖賢之心趣邪見心趣正見心聲聞乘心緣覺乘心若大乘心若復曉了大道之心又知苦諦而因而有是為習諦是苦盡諦斯為苦盡向道者諦審知如有已能曉了苦諦如有則知本淨慧無所起究竟本末无所習慧而知苦諦審知所有亦无所斷亦無有信令永都盡曉了徑路一切普入而以等御猶若虚空无有吾我無所貪愛又其處所本來悉淨彼皆了此四諦之原審從而有无所造證開化衆生斷除諦願奉行明

證若為群衆說經法以所說法得真柔順而不迷惑乱於緣起并指一切衆邪異見處入中正觀因緣法則了諸法解報應緣不在已土不在人土不在壽土不在命土亦復不在衆生之士知彼無明而致斯行知從所行而致有識知從所識而致名色知名色緣而致六入知六入緣而致習更知習更緣而致痛痒知痛痒緣而致思愛知思愛緣而致所受知所受緣而致所有知所有緣而致於生知所生緣而致老死啼泣哀感勤苦之患如是因緣致大陰體悉曉了空無明已盡行識名色六入所更痛愛受有生老病死啼泣哀感大陰之身使永盡矣彼造斯觀其无明緣非已身緣亦非人緣無壽无命無衆生緣設使无我無人无命無衆生者斯則為空已知空者不計有常亦无斷滅不計無常况斷滅者則於過去而无所生亦無所起設於過去而无所生無所起者則於三世而无所著已於三世無所著者悉无所獲則無所有為自

然矣已無所有自然寂者便則越度去來之路已能越度去來路者則第一議以第一議則曰正真已為正真彼佛真辭已佛真辭則無所諱已无所諱則寂志法已寂志法自然若空從斯慧行而曉了之從習不順則習無明以習无明便致行識名色六入習更痛愛受有生老病死啼泣哀感集大陰苦身惱之患亦不獨除所倚諸見悉究暢知因緣報應而合會成已能分別無我无人無壽无命諸法自然不受邊際亦不受亦無所得不得際者則无根源已無根源則觀中正假使不得諸法根源於彼何緣當有中正其中正者為何等類彼以超度無限正法則離彼此中間之法便能講說元量中正經典之要以能奉行如是法者究竟具足速成佛道是故名曰如來至真終不違損度知見慧設能不達度知見慧以度知見慧尋能遵修力進三昧曉了無量自在捨持而以等御元限中正之法界也如虚空無有想念便則講說元形

寶藏經卷第一 第九卷 終

業慧分別報應無所忘失演暢平等
去來今事而目觀察一切衆生諸根
所趣說其精進慧之所解分別決了
無央數身不可計形誅解說世間
之行而善建立講無盡事宣布顯現
無量之信若干種信又分別說一切
方面諸內分部悉能周達決無限難
諸所遊步說進退慧演無思議諸法
之門宣示一切禪定脫門三昧正受
塵勞之欲瞋恚之結構諸熱度終始
所趣善惡中間而悉曉了過去元數
無陰蓋慧普現無量若干之變往古
世事而皆念之又咸觀察靡所不觀
而悉曉了宣布元量無量天眼徹視而
悉說之一切諸導悉無有餘已能解
脫除諸導慧一切漏盡及為慧耳設
無所有已為慧者講無畏慧皆無老
特平等如稱不斷佛事講說大哀勢
力之慧隨人奉行而歎說法讚揚諸
法元有慶所開化衆生則轉法輪無
有懈怠美特之慧宣布深奧若干殊
異超玄無底至化弘智慧之力而
為感動一切聲聞緣覺之乘所不能

寶藏經卷第一 第九卷 終

及是為如來十二不共諸佛之法
復次寶女行菩薩道興造聖業不求
名号則以已身興智慧業不復設造
一切身穢諛諂欺詐無凶害行元慳
貪行常修梵行身精進事則順道行
不為身患不逼他人依度无極行大
悲哀常為衆生身所違修若茲具足
彼以斯法奉行如是遠成佛道斯謂
如來身所行事德慧自在以身解了
一切慧明等自在已觀一切形悉能
示現諸色三昧曉了普入於地之要
如來現已無數之示若干種像顏容
之類一切天龍鬼神捷沓悉阿須倫
迦留羅真陀羅摩休勒釋梵四王梵
志君子長者居士農夫工師細民比
丘比丘尼清信士清信女又無數人
不可稱計百千之衆悉來會坐佛現
无量威儀札節顏貌形像而為最尊
為長為上為極大人為無量正而為
衆會講說經法勸化發遣多所誘進
中間沒身忽然不現衆人因解是故
大會各各相合共坐說議衆人歡喜
所演智慧寂然經行若有觀者不以

寶藏經卷第一 第九卷 終

為默若所說者益用踊躍心速悅豫
不復歡喜一切欲樂境界財業設沒
不現靡不渴仰欲得奉觀聽說經典
設有觀者貪欲之著恩受之見聞所
說法好樂聽受因斯報應至於无漏
身口心定而無瑕疵獲斯行業是為
如來十三不共諸佛之法
復次寶女行菩薩道造聖慧業不求
名聞彼口所說惟興慧事不為一切
瑕惡諛諂佞邪所迷所言至誠而不
兩舌亦无麤辭而不謔人言辭柔潤
不為穢說言輒說法其口所宣不令
已身及與他人懷惱熱口之所說
如佛教法議歸於善口之所說言辭
則可衆生之心無所中傷其慧安詳
言辭具足不違條名以此行法究竟
具足速成佛道斯謂如來口言等慧
智德自在彼則以此口言等慧智德
自在善修寶事三昧之定得達三品
曉了持持如來所入以一口辭以一
法言普入一切宣暢諸音等悅一切
衆會之心如來一切所演音聲則合
於讚不違法理至誠柔順觀因緣法

除諸瑕穢而離愛欲寂定遊已必當
獲致至誠之報乃至滅度是為如來
十四不共諸佛之法

復次寶女行菩薩道假使常修造智
慧業不慕名色以心思念聖慧所興
則令眾生離於取惡所著邪佞無明
瞋恚倒見之事遵修正見而行慈悲
等心黎庶不捨道意遵奉慧已究竟
具足不為自大亦无憍恣行是法已
遠成佛道斯謂如來心之所念精修
聖慧志所暢達心等慧事聖明自在
彼已達已一切慧心等聖自在善修
現在諸佛目前顯立三昧所念清淨
曉了解繫之捨持也如來一心普知
一切眾生心念已心等故則能普等
一切黎庶勸助平夷心等一切則能
等已所可勸助心猶若幻本性清淨
一切諸心自然如空道法等御一切
眾王身口心行以眾生法等入已身
所修道法一切諸身猶若現影若能
以慧等御諸身一切眾生入于已身
以能等御一切諸身入已身者發意
之須令眾生身化立佛身斯所建立

無能毀者亦无能動無能轉移天上
世間諸天人民諸魔梵志沙門梵天
无能進退是為如來十五不共諸佛
之法

復次寶女行菩薩道聞諸過去如來
至真元星尊慧斯諸等正覺慈普周
遍一切世界無所罣碍元有陰蓋身
所行業威儀法式而悉為信一切世
界音聲本寂靡不得入无量無盡不
可思議諸佛音聲分別演說元量法
門斯諸過去如來言辭則無有二十
方國土諸佛正覺及眾正典普諸黎
庶一切菩薩亦復如之達諸聲聞緣
一覺眾一切諸人因緣罪福所可念
行則復篤信過去如來心之所行光
明之曜清淨無量元有陰蓋信斯過
去諸如來者不懷狐疑亦無猶豫不
恐不懼亦元畏難諸佛境界不可思
議曉了眾生如是比像悲樂諸法因
勸助之以行此法究竟具足逮成佛
道斯名如來過去無量元損智慧所
現自在彼以過去自在智慧則復善
修於勇猛伏三昧之定分別曉了威

曜捨持而知過去諸如來眾各各異
名壽命之限於其中間無邊之慧欲
求根源悉能盡極過去菩薩聲聞緣
覺亦復如是眾生群萌所可造行人
所修業善惡禍福有如過去一切劫
數以何等劫成為正覺覺未覺者於
某劫中而有若干如來至真等正覺
斯諸如來亦於彼劫說無限量元尋之
際不可盡極之根源也又了過去諸
佛世界其名各異若有難極若復清
淨多少大小細軟微妙塵勞限數所
入之處如其順應十方處所金剛羅
網分別所入諸根羅網所入境界一
切過去無有邊際諸佛國土不可究
竟得其邊際如來於此一切普說斯
過去事無有捨忘悉能決了斯諸佛
慧如人觀掌視五指矣是為如來十
六不共諸佛之法

復次寶女行菩薩道聞諸如來至真
等正覺慧元星尊斯諸正覺普則周
旋一切世界身無央數元有陰蓋身
之所行威儀禮節悲篤信之音聲暢
達靡不周遍諸佛國土皆聞法教乃

寶雲閣經卷第二 第三十五

梵文

入無限所說法門信於當來如來言
釋十方國土諸佛正覺諸法衆生一
切菩薩聲聞緣覺及諸凡夫所作罪
福善惡之報又復信知當來諸佛心
之所歸光明威神清淨無數無有陰
蓋信斯當來諸佛之行不懷狐疑亦
無猶豫不忍不懼亦无所難而以篤
信不可思議諸佛境界則復於斯為
諸衆生勸助合集如是像法究暢信
樂行此法已究竟具足速成佛道斯
謂如來當來無數无所損失現慧自
在彼以當來無所損慧現自在已則
便興發大哀之力三昧之定曉了分
別師子雷音之搖持也則能了知當
來正覺各各異名壽命限量於其中
間說無邊際不可盡極得其根原又
復識知當來菩薩聲聞緣覺衆生群
萌之所行也黎庶行業所當遭遇禍
福報應又知當來一切諸劫而於某劫
當成正覺覺諸未覺又於中間說所
歷劫無有邊際不可盡極得其根原
當來世界各各有名雜穢清淨多少
大小細柔微妙如諸塵數所有齊限

寶雲閣經卷第二 第三十五

梵文

如來知其無所損忘而承順行十方
廣所根原羅網之所有分悲能普入
當來無數諸佛世界斯諸如來悲分
別說觀如手掌觀五指矣是為如來
十七不共諸佛之法

復次寶女行菩薩道聞諸現在如來
至真無量尋慧斯現正覺其身無數
而无陰蓋諸佛境界身所行業身之
所趣威儀禮節又其音聲咸遍諸國
無所量尋聲无覆蔽皆篤信解不可
思議諸佛音響說於無量諸法道門
斯諸現在如來言辭而悲信樂口所
宣暢十方國土諸佛正覺及衆經典
一切黎庶諸菩薩等聲聞緣覺一切
人民選擇分別此諸如來心之所行
心所興業光明清淨不可計數無有
陰蓋皆復信此現在如來不懷狐疑
无有結滯不忍不懼亦無怖懼諸佛
境界不可思議又復勸化於他衆生
如是色像信樂經典行法若斯具足
究竟速成佛道斯謂如來現在無數
元所損失現慧自在彼以無數現在
如來無損智慧現自在則便善修

寶雲閣經卷第二 第三十五

梵文

離垢照印三昧之定曉了分別金剛
道場之搖持也如來現在普能分別
諸佛名号各各差持壽命之限悲能
宣布中間迥絕而无邊際不可盡極
得其根原現在一切諸菩薩衆聲聞
緣覺衆生之行群萌事業罪福報應
現在十方諸劫之數於其劫中成為
正覺說其根原現在十方一切國土
各各有名雜穢清淨多少大小柔軟
微妙悉得普入如塵數限隨其所順
十方處所諸根羅網悉入現在十方
世界於其中間無限邊際不可盡極
得其根原如來於彼所說分別無所
損耗此諸如來選擇智慧如觀手掌
察其五指是為如來十八不共諸佛
之法

是十八品便得一切不共諸佛之法
何謂不共諸佛之法無能親見如來
頂相是為不共諸佛之法身无限故
如來超殊一切諸形是為不共諸佛
之法一切人中為最尊故衆生見佛
瑕穢消除是為不共諸佛之法身如
藥故如來之行莫妙超殊是為不共

諸佛之法無異故如來無懼是為不共諸佛之法得無畏故如來獨步無有諸漏而得自在是為不共諸佛之法通平等故如來之心行無所壞是為不共諸佛之法曉了賢聖之教誠故如來調定志性和雅是為不共諸佛之法堅住建立於已行故如來之辯應時而對是為不共諸佛之法講說經典無言教故如來可悅一切衆生心之所念因曰如來是為不共諸佛之法无所進故如來音聲普聞衆會不溢在外是為不共諸佛之法講說經法而不虛妄開化應度救濟諸根令純淑故一切衆會在於道場親近觀見如來顏貌是為不共諸佛之法變化感動無思議故瞻察如來無有厭足是為不共諸佛之法如大德元極樹寶柱大聖體故如來說法無所侵枉是為不共諸佛之法平等覺故如來之身不可諦視是為不共諸佛之法威儀札節無希聖故如來之身如師子步是為不共諸佛之法於大衆中無所難故如來遊步元有

虛妄是為不共諸佛之法智慧若本身進行故如來之行音聲真諦是為不共諸佛之法智慧元首口辯真故如來之眼普視無邊是為不共諸佛之法聖慧為上心明達故如來教授言辭顯曜是為不共諸佛之法平對辯故如來利養名聞流溢是為不共諸佛之法無上正真不可盡故如來之福不可盡極是為不共諸佛之法第一分別了諸導故成為如來元能當者是為不共諸佛之法為大鈞鑠力士之身而有十力四無所畏第一取上度元極故如來無倦常不退轉所說不懈是為不共諸佛之法曉了一切衆生根故又如來者為無數法而作聖師是為不共諸佛之法普於諸世獨尊師故壽命無量是為不共諸佛之法顯法身故其觀如來若聞音聲親近猶育元有虛妄是為不共諸佛之法為究竟本末人替首札即令衆生至大安故如來之慧元有結恨是為不共諸佛之法解達三世平等之故如來講說無有中聞是為不共

諸佛之法順法本故如來獨除一切罣碍是為不共諸佛之法諸不善法永無餘故如來無師是為不共諸佛之法已自然達諸法之故如來普智是為不共諸佛之法分別諸覺曉了大道無有餘故是為皆得一切不共諸佛之法

寶女所問經卷第三

辛丑歲高麗國大藏都監奉
勅雕造

寶女所問經卷第四

發

三十二相品第九

西晉月支三藏法師護譯

於是寶女問世尊曰唯然大聖今所可謂如來至真三十有二大人之相前世宿命行何功德而致逮得三十有二大人之相遍布在體佛告寶女吾往古世行無量德合集衆行如來由是逮得三十有二大人之相遍布于體今粗舉要如來之相足安平立大人之相者乃往古世堅固勸助而不退轉未曾覆蔽他人功故如來手足而有法輪大人相者乃往古世興設若干種種施故如來至真指纖長好大人相者乃往古世則說經義救護衆生令無患故如來手足生網暢理大人相者乃往古世未曾破壞他人眷屬故如來手足柔軟微妙大人相者乃往古世而以惠施若干種衣細軟服故如來而有七合充滿大人相者乃往古世廣設衆施供諸之故如來之膝平正元節踰膈如摩大人相

者乃往古世奉受經典不違失故如來之身其陰馬藏大人相者乃往古世謹慎已身遠欲法故如來之身頗車充滿猶如師子大人相者乃往古世廣修淨業修行備故如來至真常於胸前自然出字大人相者乃往古世獨除穢濁不善行故如來肢體具足成就大人相者乃往古世施以無畏安慰人故如來手解長出於膝大人相者乃往古世有所作佐助勸故如來身淨而無瑕玼大人相者乃往古世奉行十善无欺足故如來腦戶充滿彌倫大人相者乃往古世其有病者若干種藥瞻視療故如來師子步大人相者乃往古世殖衆德本具足備故如來四十齒白大人相者乃往古世志性等仁於衆生故如來牙齒無有間疏大人相者乃往古世設人諍闢令合和故如來額牙大人相者乃往古世則以微妙可意之物而興施故如來清白美好疑眉大人相者乃往古世善自護已身口心故如來廣長舌大人相者乃往古世所言

至誠謨口之過故如來查查大人相者以無量檀供養究竟心行仁和與衆生願使得覆蓋如來梵聲哀愍之音大人相者乃往古世言語柔和與衆人言謨口節辭无央數人聞其所語無不悅故如來瞳子紺青色大人相者乃往古世常以慈目察衆人故如來之眼如月初生大人相者乃往古世无麤暴志心性和順故如來眉間白毫大人相者乃往古世咨嗟歌誦閑居之德衆人行故如來頂上肉髻自然大人相者乃往古世敬奉賢聖礼尊長故如來肌體柔軟妙好大人相者乃往古世心念念集法品藏故如來身形熾磨金色大人相者乃往古世多施衣服卧具牀故如來之體一一毛生大人相者乃往古世離於集會衆肉之故如來之毛上向右旋大人相者乃往古世尊敬於師受善友教禮首從故如來頭鬚紺青色大人相者乃往古世慈傷群黎不以刀杖而加害故如來之身平正方圓無有阿曲大人相者乃往古世已身

寶女所問經卷第四 第五

衆生勸化安之令定意故如來之香如大鈎鑠普有感曜魏魏之德大人相者乃往古世為諸正覺與立形像繕修壞寺其離散者勸使和合施无畏懼其諍訟者化令相順故女欲知之吾往世時行於無量不可計會衆德之本如來宿世奉行如斯乃能致此三十有二大人之相

尔時寶女白世尊曰至未曾有天中天如來往古所造德本誠不可及而分別說諸佛之法佛告寶女如是如是如汝所言如來則為分別解說諸佛之法若有菩薩遠得聞此如來往古所殖德本諸佛所講則獲善利元極之慶即當歸趣於真諦行威能具足諸佛之法佛說於斯如來十力四無所畏十八不共諸佛之法及三十二大人之相法門品時十方世界六反震動甚大光明普照佛土不可計量衆生之類皆發无上正真道意二万五千菩薩得不起法忍天於虛空百千之衆而雨天華鼓天上樂琴笛簫瑟衆聲歎曰其有衆人運得聞此如

寶女所問經卷第四 第六

來十力四無所畏十八不共諸佛之法三十二大人之相功德具足元有罪各信樂不疑行如上教則於大衆天上世間天人之前演師子吼猶如今日如來至真等正覺矣天人之前而師子吼所以者何斯正典者終不歸趣下劣少信處於小乘衆人之首當歸清淨遵修法者其人得此經典之要愛敬可意欣悅踊躍

法行品第十

於是寶女白世尊曰至未曾有天中之天如來乃講往古去世一切德本諸佛正典何謂世尊菩薩所行遵修經典為行法乎善哉世尊願說菩薩所行之法佛告寶女志性清淨則為菩薩所行法也堅固親友則為行法有及覆者則為行法能修如思則為行法能忍罵詈則為行法又歸命者而不弃損則為行法其羸劣者能為忍辱則為行法所難致者而能施與則為行法慈哀諸身則為行法志性悲傷則為行法護於犯戒則為行法思惟經典則為行法將順道教則為

寶女所問經卷第四 第七

行法好樂正典則為行法將衛諸經則為行法而順寂然則為行法而樂獨一則為行法不厭閑居則為行法等於昇處則為行法捨於衆會則為行法護於衆生則為行法所觀無損則為行法專修慈心則為行法入于大哀則為行法歡喜愛法則為行法觀於憐思則為行法興顯道心則為行法莫大乘法則為行法弃捐重擔則為行法心不怯弱則為行法思惟止足則為行法弃捐貪餘多欲之慳則為行法知節賢聖有足之德而少言辭則為行法無有諍訟聞乱怨恚忍辱仁和則為行法信知報應罪福之業則為行法信戒聞施慙耻智惠順此七財則為行法奉敬尊長順從善友恭礼受命則為行法心常謙卑恭順自損則為行法不自毀身不訾他人不歎已德不蔽他功則為行法蠲除塵欲弃捐瞋恚及愚癡冥歸於憐憐則為行法威儀札節所遵具足則為行法善聽經典歡喜悅豫則為行法不離於佛篤信

正典敬從聖衆則為行法布施調意
智惠出家淨修梵行則為行法得利
無利若譽若謗有名无名若苦若樂
不以動搖以過世間之所有法則為
行法若見親友及與怨敵先人問評
面色和悅而無愁悴則為行法無有
調戲離於間昧而元諛諂不為邪性
而無瑕玼志性本末究竟清淨則為
行法而行四恩惠施仁愛利仁等利
一切合集救濟衆生則為行法行堅
固法則為行法念佛念法念於聖衆
思念布施念奉禁戒思念諸天則為
行法施度無極戒忍精進一心住
慧所度無極則為行法善權方便勸
助一切衆德之本為諸菩薩則為行
法身口意淨護於十善則為行法非
常苦空而無有身无人無我無壽无
命信解如此則為行法分別空行建
立元想曉了無願在於三界而无所著
則為行法意止意斷遵修神足振力
覺意而入徑路觀乎寂寞則為行法
佛告寶女其行法者謂元有眼亦無
眼行元色想行無有耳行亦元聲行

不想響行無有鼻行亦元香行不想
香行無有舌行亦元味行不想味行
無有身行无細滑行不想細滑而無
意行亦无法行不想法行亦無色行
則為法行無色想行无色苦想無我
色行不寂色行則為行法不空色行
非色無想行則為行法非色無願行
非色无造行亦復非色恬怕之行亦
復非色清淨之行亦復非色如審之
行亦復非色無生之行亦復非色无
起之行亦復非色無著之行亦不究
竟色之所行亦非於色无本為行是
則行法如是痛痒思想生死識行則
為行法非識無常行非識苦行非識
無我行非識寂行非識空行非識无
想行非識無願行非識非无造行亦
復非識恬怕之行亦復非識清淨之
行亦復非識如審之行亦復非識無
所生行亦復非識無起之行亦復非
識無著之行亦復非識究竟盡行
亦復非識无本之行則為行法亦
復非識觀空之行亦復非識无想
之行亦復非識無願之行是則行

法亦非四種行亦非諸入行亦非
欲色無色之行是則行法亦非有
行亦非不行亦復無行是則行法亦
非住至亦非不行亦无處所亦無所
住則為行法無心意識之所行者則
為行法名目為行法矣其元有見
不聞不知之所行者是為行法若
使元身口心之行是為行法其不行
法不行非法是為行法若無二行無
若不行是為行法无過去行無當來
行无現在行是為行法其無陰行无
諸種行無衆入行是為行法無欲塵
行無有結恨无所念行是為行法若
无舍行無財業行无我人壽命行無
有舍血若有所受同像之行是為行
法其無發起分數之行是為行法其
元吾我無已所行是為行法无斷滅
行不計常行不得諸見崖底之行不
倚中行是為行法諸法若住若元所
住吾我之法處所自然其處非處清
淨法處一切法處皆無有處空无之
處究本末處至竟無處一切諸法无
動無著不可盡極亦元所有亦無所

行亦元輕戲亦無所依亦元不依亦無所住亦無所受其於是法曉了慧者慧無所念是日諦真諦元本則法之慧設使寶女菩薩如是曉了諸法遊在生死開化衆生亦不違失滅度之法斯為菩薩等造法行世尊說此行法之時八十菩薩遠行法忍

不退轉品第十一

於時寶女即以十億百千貴價珠璣貢上大聖口宣斯言唯然世尊其有菩薩遵修奉順此法行者則具佛法悉能普備如茲受決處佛道場降伏衆魔怨敵之憚以不退轉印而印之當造斯觀時舍利弗謂寶女曰汝豈能知諸菩薩行不退轉印所可印乎於時寶女答舍利弗以偈頌曰
人界及法界 審諦解平等 了斯無二際 則不退轉印 其過去諸佛 當來并現在 法界皆平等 逮成不退轉 諸所有境界 并無為之界 寂寞轉空議 覺成不退轉 本際元崖底 不得及邊畔 一時等能解 覺了不退轉 其有方俗法 如行之所趣 智慧觀平夷 覺了不退轉 如魔之境界

佛界則平等 相應為一類 以是印見印 其雖惡癡者 欲度不可限 覺了諸想者 達解不退轉 生死及無為 道教則寂然 等解於滅度 覺了不退轉 五陰道如之 有二分別慧 猶如幻影像 明結无思想 計於四種者 猶如虛空界 曉了無可取 真印而見印 覺眼則為道 解空无所著 若眼道如之 以等上平等 諸入皆如是 道空常平均 當作是了知 以此印見印 衆生之所念 一心悉知之 則无所罣碍 斯故不退轉 一切群萌根 卑劣妙中間 于彼度元極 逮成不退轉 辯才無罣碍 元逝無所住 億劫中誦說 其法不可盡 虛空尚可盡 風可尚執持 彼明辯才惠 則不可盡極 按持行如斯 攬攝一切法 名德不違心 不失于博聞 其十方諸佛 導師所說法 皆得于按持 慧心念不忘 於過去千劫 所聞大聖法 諮問真諦教 普學於按持 斯等按持然 辯才亦如之 智惠及諸根 逮成不退轉 以空印諸法 元者無所拔 以印印於空 故曰不退轉 虛空印諸法 清淨无所有 曉了此本際 以印不退轉 諸因緣法無因緣其惟行

因緣則非真諦相一切法 諸法相猶幻 猶如虛空相 以是相印之 印於不退轉 一切衆生行 色聲之札節 一時普能現 覺了不退轉 於施捨無量 功德常無盡 供養虛空界 至誠命為一 禁戒高无極 懷求致佛戒 无限無有量 等遊於虛空 一切衆生禁 學不學緣覺 及不退轉戒 十六分無倫 忍辱悉盡極 遵修无所生 成就此忍辱 逮成不退轉 精進无限量 方便不可極 悅可群萌類 精進為大仙 常為專志定 元乱善謹慎 普見一切法 無諍定三昧 逮元号智惠 淨除所觀處 得佛之尊行 淨土令成就 慧飛度元極 善學於善權 以佛印見印 遵修于道行 其行不可知 志性何所療 精行無邊際 開化于衆生 諸聲聞緣覺 一切魔異學 緣不能及知 大人之所行 彼不著諸行 感動神足定 解令無所有 皆讀遠所興 求過而出生 示現佛形像 坐於佛樹下 則轉于法輪 普現諸國土 面見十方佛 譬若如日月 等遊于虛空 示現取滅度 隨大信樂乘 不違示斯印 其印不退轉 無限如虛空 智慧普若斯 不退轉之法

曉了道如斯

於是寶女說此頌已不退轉印時三千大千世界為大震動五千菩薩得不退轉受別之印世尊則讚彼寶女曰善哉善哉快說斯言能演菩薩不退轉印

大乘品第十二

於是賢者須菩提白世尊曰唯然大聖如令斯女不退轉印而見印矣不復疑也乃能有斯如此像類上妙辯才也設不介者無緣講說若茲深法佛言如是須菩提誠如所云如斯寶女不退轉印而見印矣以速法忍乃得入斯大乘之行於時寶女前問佛言所云大乘為何謂乎佛告寶女所謂大乘即廣之乘慰撫一切眾生之類故元有陰蓋示現一切眾德異惠故離垢之乘捨諸塵勞窮冥事故普照之乘一切所解脫門相故顯耀之乘無欲者故隨因緣乘脫所罣碍故清淨之乘護戒品故等善住乘而諦慎護定品之故元漏之乘選惠品故解脫乘者照解品故等現一切諸法乘

者曉了度知見品之故不退乘者攝十力故無懼乘者四無所畏師子吼故无所往至離處乘者攝受諸佛十八不共殊勝法故普平乘者等行慈心加眾生故無害乘者則以正法抑制一切諸外學故消除乘者降伏一切魔官屬故寂滅乘者壞塵勞故降化乘者伏陰魔故離眼乘者越死魔故殊勝乘者弃天魔故豪富乘者則能具足施度元極故無熱乘者戒度無極則具足故空慈乘者忍度元極則具足故堅元壞乘者進度無極則具足故斷除一切諸所自在現之乘者心離陰蓋故所修乘者寂度元極則具足故一切善德一切智惠世俗之事度世之法所遭乘者智度無極則具足故普御隨行一切乘者權度元極則具足故至无至乘趣滅度故歸安乘者建八路故其所至到無虞乘者遵修奉行觀寂之故根力覺意具志乘者一切諸魔及諸異學無瞻顧故四神足乘則能普現諸佛國故等能超度正諦住乘蠲除一切諸不善法遵修

眾行德善法故善修謹慎意止乘者無內怨故假使不著三界乘者奉无漏故不著有為諸界乘者逮得無為顯耀界故不捨道心御善住乘不樂一切聲聞緣覺所行惠故超越乘者則能施以無見頂故莊嚴乘者功德成故選擇眾生志性乘者究竟慧故闡門乘者所可祠祀無所逆故一味乘者等佛惠故洪音乘者十方聞故一切諸天普礼乘者善修業故釋梵四正所歎乘者德元量故其有慳貪能施乘者為元首故若有犯禁施惠戒乘者謂大乘故志懷瞋怒施忍乘者不加害心於眾生故其慈惠者施精進乘被堅固鎧未曾捨故其乱心者施禪定乘令心調定業仁賢故其邪智者施正惠乘傳聞解故惠施與安除苦患乘不造一切眾惡之故佛之聖道無罣碍智无等倫惠所示現者皆履一切諸乘頂故以是之故為大乘也佛講說此大乘議時万二千人發無上正真道意口說斯言吾等亦當乘斯大乘令元數人眾生之類

皆使得立於此大乘

於是寶女白世尊曰唯然大聖其大
乘者有何邊路而不疾歸諸通之惠
佛告寶女行大乘者有三十二星
漸路以此漸故不疾得成諸通之慧
何謂三十二樂聲聞乘一志緣覺乘
二求釋梵處三倚著所生淨修梵行
專一德本言是我所五若得財寶慳
貪愛怖六以偏黨心而施眾生輕易
戒禁八不念道心專精之行九瞋恚之
事以為名聞十其心廢逸十而心馳騁
十一不求博聞十二不察所造十三高自大
十四不能清淨身口心行十五不護正法
十六背捨師恩十七背捨四恩十八離堅要法
十九習諸惡友二十隨諸陰種二十一不勸助道
二十二念不善本二十三所發道意無權方便
二十四不以懇懇咨嗟三寶二十五憎諸菩薩
二十六所未聞法聞之誹謗二十七不覺魔事
二十八習恃俗典二十九不肯勸化於眾生類
三十厭於生死三十一是為三十二事違失大
乘墮于漸路其墮漸路不能疾成諸
通之惠又復寶女其學大乘之威神
德以此之乘墮于漸路所以者何其

於斯乘有為之穢不如所乘為大乘
者則墮漸路若以於彼無為之德如
斯行乘為大乘者名聞之德計於彼
乘於如來心即為塵勞一切不順於
斯大乘悲墮漸路其於斯乘者如來
覺德稱之故如是乘者大乘之德故
墮漸路是故寶女菩薩大乘當棄塵
勞所慕法乘以斯之法致淨大乘當
習此法思惟奉行令斯恢弘何所是
法淨致大乘有三十二法致淨大乘
何謂三十二於諸眾生無請之友故
直諦究竟為他人故志性堅強遵修
衆德行不以厭至德成故心元憤亂
志性淨故其身清淨威儀禮節元
想念故口言清淨言行相副故其
心清淨不捨道心故布施清淨不望
報故戒行鮮潔護犯禁故忍清淨者
不惜身命故精進清淨十力無畏具
足故禪定清淨一切塵勞元雜錯故
智慧清淨蠲除一切罣罣之故清淨
心者降伏一切衆魔之故堅固行者
度諸願故習諸四恩不捨眾生故於
佛及覆護正法故以不慳慳則能具

足道品法故所聞無厭具聖智故其
歡喜者轉加勝故元慢善聖以能致
到無見頂故於一切法無諍訟者因
緣報應所見和故無貧匱者獲七財
故所以不僣由自在故德慧成就不
失通故滅除眾生之塵勞者定於寂
然成就之故如來惠解所變化者具
足觀故者三脫門所示觀者遵修於
空無想願故澹泊內者令諸眾生
覺了分別寂然惠故與盡惠者不起
法忍故修行一切諸法要者致受別
故佛言寶女是為三十二法淨致大
乘說此三十二事法品典時七万二
千天與人皆發无上正真道意万二
千菩薩得不起法忍天於虛空百万
之衆咨嗟歎吒雨於天華鼓諸伎樂
各各舉聲而歌頌曰其有逮聞於此
大乘名德之稱斯等眾生振救建立
諸佛之德其聞信樂篤信以後若執
持者審諦奉行復超此切
囑累品第十三
於是天帝釋梵忍跡天王四大天王
白世尊曰至未曾有天中之天乃能

寶女所問經卷第四 第十九條 終

善說深奧應議講斯經典多所導利
滅諸陰蓋及衆塵勞化不順議示導
正議以降魔怨并指一切諸外異學
抵攝一切諸佛之法是故世尊吾當
受持於斯法典諷誦講說若諸法師
攬受奉持此經卷歸身手執若在其舍
書著竹帛宣布遠近諸天龍神及捷
省想若信是經欲奉持者當令斯神
寬弘無侵其不悅樂而察陰蓋者當
令諦受而使斯等不犯法師不有所
疑於是世尊告天帝釋梵忍跡天四
大天王善哉善哉諸仁者等汝等乃
欲將護法師曉了志願已能將護於
法師者諸仁者等則為擁護於正法
矣已能擁護於正法者則為擁護一
切群萌

尔時世尊告賢者阿難汝當受此經
卷之品寶女所問正法之典受持諷
誦為他人說假使菩薩於百千劫而
行布施忍辱者設有菩薩取是經法
受則上口而諷誦者為他人說建立
大哀欲度衆生具足大慈思惟經法
立於忍辱斯之獲德出彼穢上速疾

寶女所問經卷第四 第二條 終

得歸於此大乘賢者阿難白世尊曰
吾尋奉受斯法典已唯然大聖斯之
經法名曰何等云何奉行佛告阿難
斯之經法名曰真諦曉了議律達門
之品當持又名無量之德發意所說
當持如來十力四无所畏十八不共
諸佛之法分別諸相菩薩應時遵修
法行說不退轉輪印講演大乘當奉
持之聚會之品寶女所問當奉持之
阿難汝若能持此法門品為他人說
便獲無量名德諸法法之光曜則為
衆生建立佛事所以者何是為去來
今現諸佛世尊究竟之法佛說如是
寶女阿難一切衆會諸天人民阿須
倫世間人間經莫不歡喜

寶女所問經卷第四

辛丑歲高麗國大藏都監奉
勅雕造